



Jørgen Rosbach
Inatsisartunut ilaasortaq, Demokraatit

**Meeqqanut inuusuttunullu naqinnernik ilisarinnissinnaanngitsunut
tapersersuisarneq pillugu § 37 naaportorlugu apeqqummut nr. 206-2025-mut
akissut**

15-12-2025
Suliap normua. 2025 - 9824
All. nr. 26035573

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Jørgen Rosbach

Inatsisartut suleriaasiat naaportorlugu apeqqutinnut qujanaq. Apeqqutitit tullinnguuttuni
akissuteqarfigissavakka.

**1. Meeqqat, inuusuttut, inersimasullu naqinnernik ilisarinnissinnaanngitsut
ilinnialernissaminnik imaluunniit sulilernissaminnik kissaateqartut
tapersersorniarlugit, Naalakkersuisut suliniutinik sunik
aallartitsinikuuppat?**

Akissut: Meeqqat, inuusuttut inersimasullu akornanni naqinnernik
ilisarinnissinnaanngitsut aamma atuarnermik allannermillu ajornartorsiuteqartut pillugit
nuna tamakkerlugu iliuusissamik pilersaarusiornissamik Inatsisartut 2021-imi ukiakkut
ataatsimiinneranni piginnaatitsissutaat naaportorlugu Naalakkersuisut sulipput.
Inatsisartut 2021-mi ukiakkut ataatsimiinneranni immikkoortut UKA2021/29, 47 aamma
73 ataatsikkoortillugit suliarineqarput. Immikkoortut pineqartut tassaapput:

- UKA 2021/29: Meeqqat, inuusuttut inersimasullu naqinnernik
ilisarinnissinnaanngitsut aamma atuarniarnikkut allanniarnikkullu
ajornartorsiutillit ikiorserniarlugit nuna tamakkerlugu iliuusissamik
pilersaarusiornissaq.
- UKA 2021/47: Naqinnernik ilisarsisinnaanngitsunut Kalaallisut programimik
ikiutinik suliaqartoqarsinnaanera pillugu nassuiaammik suliaqarnissaq.
- UKA 2021/73: Kalaallisuumik naqinnernik ilisarinnissinnaanngitsunut
misissuummik ineriartortitsisoqarlunilu atuutilersitsinissaq.

Suliassap allaaserineqarnera iliuusissatut pilersaarummi tunngaviusoq
Ilinniartitaanermut, Kultureqarnermut, Timersornermut Ilageeqarnermullu
Naalakkersuisoqarfimmit susassa qarfiillu akimorlugit suleqatigiissitamit 2023-mi ukiakkut
akuerineqarpoq. Innuttaasut naqinnernik ilisarinnissinnaannginnermik ajornartorsiutillit
allassinnaanermillu ajornartorsiutillit allat immikkoortinneqaratik ilinniarsinnaanissaat,
sulisinnaanissaat inuiaqatigiinnilu nalinginnaasumik inooqataanissaat qulakkeerniarlugu
tamakkiisumik siunertalimmillu iliuuseqarnissaq qulakkeerniarlugu iliuusissatut pilersaarut

suliarineqarsimavoq. Tamatuma malitsigisaanik sakkut nutaat misilitsittarnissanullu periarfissat nutaat ineriartortinneqartariaqassapput, sulisut piginnaanngorsartariaqassapput ersarissunillu kaammattuutunik suliaasaqarfimmi tassani piffissami aggersumi pingaarnersiuilluni tulleriaarinissat naalakkersuinikkut isummerfigineqarnissaanut atugassatut.

Tamakku sakkut nutaat misilitsittarnissamullu periarfissat naammassineqarnissaata tungaanut, Danmarkip Ordblindetest-iat atuutsinneqarnissaa pillugu isumaqatigiissut novembar 2025-mi aallartippoq.

Misilitsissutaasartumut danskisut oqaatsinik tunngaviumik ilisimasaqarnissaq pisariaqarpoq, kisianni naatsorsuutigineqarpoq aggusti 2026-mi misilitsissutaasartoq teknikkikkut aaqiisummik ilaneqassasoq, taamaalilluni atuartut danskisut oqaatsinik killilimmik ilisimasaqartut aamma misilinneqarsinnaalissallutik.

Tamanna nunatsinni meeqqanut, inuusuttunut inersimasunullu ordblindiusunut Kalaallit Nunaanni misilittakkaq assinganik utaqqineranni, ordblindiusut paasineqarsinnaassapput aammalu pisariaqartinneqartumut tapersersorneqarsinnaallutik, taamaalillutik ilinniartinnut peqataasinnaallutik allat assigalugit.

Aalajangernermut ilaatillugu iliuusissatut pilersaarutip piviusunngortinnissaanut 7 mio. kr.-inik ilinniartitaanermut aqutsisoqarfimmut aningaasaliisoqarpoq (3 mio. kr. 2025-mi, 2 mio. kr. 2026-mi kiisalu 2 mio. kr. 2027-mi).

Iliuusissatut pilersaarutissatut missingiut Ilinniartitaanermut Aqutsisoqarfimmit suliarineqareerpoq Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup allaffissornikkut akuersissuteqarnissaa massakkut kisiat utaqqineqarluni. Tamatuma kingorna iliuusissatut pilersaarut Naalakkersuisunit politikikkut akuerineqaaqassaaq. Iliuusissatut pilersaarutip politikikkut akuerineqarsimasup 2026-ip aallartisimalernerani ilaatigut inatsisartunit ilaasortanut agguanneqarnissaminut piareersimanissaa naatsorsuutigineqarpoq.

- a. Naqinnernik ilisarinnissinnaanngitsut kikkulluunniit, naqinnernik ilisarinnissinnaannginnertik pillugu ilinniartinnut ilinnialernissaminnut tiguneqannginnissaasa pinngitsoortinneqarnissaa qulakkeerniarlugu, suliniutunik nutaanik sunik Naalakkersuisut pilersaarusiortat?**

Akissut: Apeqqutip 1-ip samminerani oqaatigineqartutut inuttaasut naqinnernik ilisarinnissinnaannginnernik ajornartorsiutillit allassinnaanermillu ajornartorsiutillit allat immikkoortinneqaratik ilinniarsinnaanissaat qulakkeerniarlugu tamakkiisumik siunertalimmillu iliuuseqarnissaq qulakkeerniarlugu iliuusissatut pilersaarut suliarineqarsimavoq. Ilinniarfiulersinnaasut pillugit suliniutissat nutaat iliuusissatut pilersaarummi suliniutissat suliarineqareerpata paasinarsissapput.

- b. Naqinnernik ilisarinnissinnaanngitsut kikkulluunniit, allakkatigut qinnuteqaasiornissaminnut ajornartorsiuteqarnertik patsisigalugu suliffissarsiunngitsuunnginnissaat qulakkeerniarlugu, suliniutunik**

nutaanik

sunik

Naalakkersuisut pilersaarusiortat?

Akissut: Inuit siunnersorneqarnissamik pisiaqartitsisut Majoriamit ataasiakkaarlugit sullinneqartarput. Majoriaqarfiit tamarmik nammineerlutik nalilersuisartoqatigeeqarput. Innuttaasut atuarsinnaanermik allassinnaanermilluunniit ajornartorsiuteqartut Majoriamit naqinnernernik ilisarinnissinnaanngitsunik aammalu atuarsinnaanermik allassinnaanermilluunniit ajornartorsiuteqartunik sullissisareersumit mattusimaneqanngillat. Pineqartut pitsanngorsaaffigineqarnissaat kissaatigineqarpoq suliniutissallu nukittorsagassallumi allat iliuusissatut pilersaarutissami ilanngullugit suliarineqassapput.

2. Majoriami, ilinniarfinnilu allani tiguneqarumalluni misilitsinnerni innuttaasut atuarnissaminnut, allannissaminnullu ajornartorsiuteqartut ilaatinneqartarnissaat Naalakkersuisut qanoq qulakkeerniarpaat?

Akissut: Innuttaasut atuarsinnaanermik allassinnaanermillu ajornartorsiutillit aammalu naqinnernik ilisarinnissinnaanngitsut Majoriamit mattusimaneqanngillat innuttaasut atuarsinnaanermik allassinnaanermullu ajornartorsiutillit naqinnernillu ilisarinnissinnaanngitsut massakkut sullinneqarnissaat sillimaaffigineqareermat.

3. Naqinnernik ilisarinnissinnaanngitsut, allallu allattariarsornikkut ajornartorsiuteqartut allattariarsornikkut piumasaqaatit kisimik patsisigalugit itigartinneqaratik ilinnialernissaminnik qinnuteqarnissaminnut, suliffissarsiornissaminnullu periarfissaqalersillugit malittarisassat, piumasaqaatillu Naalakkersuisut qanoq naleqqussarniarpaat?

Akissut: Suliassa qarfimmuut tunngatillugu maleruagassanik nangilluni naleqqussaanissat iliuusissatut pilersaarutissaq aqutugalugu suliarineqassaaq.

4. Tunngaviusumik ilinniarfinnut karakteritigut piumasaqaatinut, tiguneqarnissamullu piumasaqaatinut suliaticigut piginnaasaqarlualutik, allattariarsornikkulli ajornartorsiuteqarlutik qinnuteqartunut ullumikkut akimmiffiusunut, Naalakkersuisut sunik isumaliutiginnippat?

Akissut: Inuusuttut tamarmik tassunga ilanngullugit allattariarsornermik piginnaasaqarpiannikkalualutik assassornermik piginnaasaqarlualutik inuussutissarsiutigilersinnaasamik ilinniagaqarnissaat Naalakkersuisut pingartippaat. Inuusuttut ilinniarfiinut pitsaanerusumik ikaarsaariartoqarsinnaanissaa qulakkeerneqarnissaa ilinniartitaanermut periusissiami 2024-2030-mi erseqqissaatigineqarsimavoq.

5. Inuusuttut atuarfimmi, ilinniarfimmilu akimmiffinnik naapitsiuartut kajumissuseerunnissaat, atugarliulernissaat, atuarunnaarnissaallu pitsaaliorniarlugu suliniutinik sunik Naalakkersuisut ingerlatsiniarpat?

Akissut: Meeqqat atuarfiani meeqqanut mikinernut atuartunut atuarsinnaanermik allassinnaanermillu ajornartorsiutillinnut siusinaartumik iliuuseqartarneq pitsanngorsarneqassaaq meeqqat atuarfiani 1- 3 klassemi atuartut nalilersorneqartarnissaanut ilinniartitaanermut Aqutsisoqarfiup atortut suliarisimasai atorlugit meeqqat naqinnernik ajornartorsiutillit siusinnerusukkut sukkannerusumillu paasineqartaleranerik kinguneqartussamik. Tamatuma saniatigut ilinniartitsisut ilitersuisartullu ilisimasaat siunertalinnik piginnaanngorsarnikkut annertusarneqassapput, taamaasiornikkut ilinniartut inuussuttullu paasineqartut misigisimatillugit pitsaasumillu sullinneqarsinnaaqqullugit.

Meeqqat, inuusuttut inersimasullu akornanni naqinnernik immikkoortitsisinnaanngitsut atuarsinnaanermik allassinnaanermillu ajornartorsiutillillu ikiorneqartarnissaanut nuna tamakkerlugu periusissiasatut missingiummi teknologi atorlugu periarfissarsiornissat pingartinneqarput, ilinniartitsisarnertit qanilaarnerusumik ingerlanneqartalersinnaaqqullugit ajornartorsiuteqartullu ulluinnarni ajorsartarneri ikilisarniarlugit. Naqinnernik ilisarinnissinnaanngitsut tupinnartunngortinneqartarneri annikillisarniarlugit atugaasalu atuartunit, aqutsisoqarfinnit inuiaqatigiinnilu paasineqarnerunissaat anguniarlugu nuna tamakkerlugu paasisitsiniaasoqarnissaa sulissutigineqarportaaq. Iliuusissatut pilersaarut qinikkanit akuerineqassappat ilinniartitaanermut Naalakkersuisoqarfiup atuarsinnaanngitsunut immikkoortortaqaqfiata ingerlaavartumik siunnersuisinnaalernissaaq suliniutillu pitsaasuunissaat ataqaatigiissuunissaallu qulakkeerniarlugit ilisimasanik katersuiffittut inissisimalernissaa pilersaarutaavoq.

**6. Sammisamut soqutiginartunik allanik Naalakkersuisut
paasissutissiisinnaappat?**

Akissut: Apeqqummut tunngatillugu Naalakkersuisut allanik
paasissutissaateqanngikkallarput.

Inussiarnersumik inuulluaqqusillunga
Med venlig hilsen


Nivi Olsen